

Kab mob hnoos: Yam Uas Cov Niam Txiv Yuav Tsum Tau Paub

Kab mob hnoos yog dab tsi?

Kab mob hnoos, lossis ib hom mob ntsws, yog ib qho mob hnoos tsis tu ncu. Txhua leej txhua tus ntawm txhua lub hnuv nyoog tuaj yeem muaj tus mob no.

Cov yam ntxwv mob ntawm tus kab mob hnoos no muaj li cas?

Cov yam ntxwv mob xub tshwm sim ntawm tus kab mob hnoos zoo li mob khaub thuas. Tom qab ib lossis ob lub lim tiam, qhov hnoos yuav loj zuj zus thiab tej zaum cia li tshwm kiag tamsim, ua rau tswj tsis tau.. Tej thaum kev hnoos yuav ua rau ntuav lossis yuav muaj lub suab nrov loj thaum nqus pa. Cov neeg uas muaj mob hnoos kuj zoo li nyob tsis muaj dabtsi lub sijhawm nruab nrab ntawm kev hnoos. Cov kev hnoos no dhau mus tsawg zuj zus mus raws lub sijhawm, tabsis yuav hnoos ntxiv li ntawm ntau lub lim tiam lossis ntau lub hli kom txog hnuv lub ntsws rov zoo tuaj.

Kab mob hnoos yuav kis tau li cas?

Kab mob hnoos kis los ntawm cov pa lub sijhawm thaum hnoos tawm lossis txham. Cov pa hnoos tawm no mus tsis deb heev raws huab cua thiab feem ntau tsuas yog kis tau cov neeg nyob ze.

Tus neeg muaj kab mob hnoos yuav kis tau rau thaum twg thiab yuav ntev npaum li cas?

Cov neeg muaj kab mob hnoos yuav kis mus rau lwm leej lwm tus tau rau 3 lub lim tiam ntawm kev hnoos lossis mus txog rau thaum kev siv tshuaj tiv thaiv kab mob tiav tau 5 hnuv, nyob ntawm saib qhov twg yuav tshwm sim ua ntej.

Yuav tiv thaiv kab mo hnoos tau li cas?

Kev txhaj tshuaj tiv thaiv yog txoj hauv kev zoo tshaj nplaws los mus tiv thaiv tau tus kab mob hnoos. Kev txhaj tshuaj thiv thaiv mus tua tus kab mob hnoos yog ib feem ntawm cov kev tshuaj tiv thaiv menyuam yaus uas muaj kev pom zoo siv ua ntu zus los. Ib koob tshuaj tiv thaiv kab mob hnoos yog ib qho kev pom zoo los rau cov hluas thiab cov neeg laus. Nug koj lub chaw kho mob yog koj xav tau cov ntsiab lus ntxiv.

Cov neeg uas tau raug txhaj tshuaj tiv thaiv kab mob hnoos tej zaum tseem yuav raug tus kab mob hnoos thiab, tiamsis feem ntau kev mob yuav sib dua lawm.

Cov tshuaj tua kab mob muaj tej thaum peb yeej pom zoo muab siv los tiv thaiv kom txhob muaj kab mob hnoos rau cov neeg uas nyob ze chwv ib tug neeg twg uas muaj mob hnoos, xws li cov neeg hauv yim neeg.

Puas muaj ib txoj kuaj kom tau tus kab mob hnoos?

Muaj, tabsis tsuas yog tus neeg muaj cov tsos kab mob no xwb. Feem ntau, yuav tau siv ntau so lub qhov ntswg thiab muab daim ntau coj mus kuaj siab seb puas muaj tus kab mob hnoov nyob rau hauv. Qee zaus qhov kev kuaj yuav tau siv ntshav los tshawb tawm saib lub cev txoj kev tiv thaiv kab mob hoj muaj dabtsi los pab tau.

Ib tus neeg muaj mob hnoos yuav tsum nyob tsev ntev li cas es tsis txhob zov menyuam, mus kawm ntawv, mus ua haujlwm, thiab lwm yam?

Cov neeg muaj mob hnoos yuav tsum tau nyob hauv tsev es tsis txhob zov menyuam, mus kawm ntawv, mus ua haujlwm, thiab lwm cov qav num txog txij lawv siv tshuaj tua kab kom tiav li 5 hnuv, tsis li ces lawv yuav tsum twb tau hnoos li ntawm 3 lub lim tiam los yog ntau dua ntawd.

Cov kev pab tswm yim ntxiv

- Ntxuav koj ob sab tes tas li.
- Nyob hauv tsev yog tias koj tsis xis neej.
- Thaum koj hnoos, muab ntau npog qhov ncauj lossis hnoos tig mus rau koj sab tes tsho.

Vaccine-Preventable Disease Section
PO Box 64975
St. Paul, MN 55164-0975
651-201-5414
www.health.state.mn.us/pertussis

6/25/2019 – Pertussis: What Parents Need to Know (Hmong)

Yog koj xav tau cov ntsiab lus no uas yog muab teev ua lwm yam txawv, hu rau: 651-201-5414